

Exploring the Ancient Path in the Buddha's Own Words Lesson 3.8.13



Dhammānupassanā āyatanapabbaṃ

Puna caparam, bhikkhave, bhikkhu dhammesu dhammānupassā viharati chasu ajjhattikabāhiresu āyatanesu. Kathaṅca pana, bhikkhave, bhikkhu dhammesu dhammānupassā viharati chasu ajjhattikabāhiresu āyatanesu?

Idha, bhikkhave, bhikkhu cakkhuṅca pajānāti, rūpe ca pajānāti, yaṅca tadubhayaṃ paṭicca uppajjati saṃyojanam taṅca pajānāti, yathā ca anuppannassa saṃyojanassa uppādo hoti taṅca pajānāti, yathā ca uppannassa saṃyojanassa pahānam hoti taṅca pajānāti, yathā ca pahīnassa saṃyojanassa āyatim anuppādo hoti taṅca pajānāti.

Sotaṅca pajānāti, sadde ca pajānāti, yaṅca tadubhayaṃ paṭicca uppajjati saṃyojanam taṅca pajānāti, yathā ca anuppannassa saṃyojanassa uppādo hoti taṅca pajānāti, yathā ca uppannassa saṃyojanassa pahānam hoti taṅca pajānāti, yathā ca pahīnassa saṃyojanassa āyatim anuppādo hoti taṅca pajānāti.

Ghānaṅca pajānāti, gandhe ca pajānāti, yaṅca tadubhayaṃ paṭicca uppajjati saṃyojanam taṅca pajānāti, yathā ca anuppannassa saṃyojanassa uppādo hoti taṅca pajānāti, yathā ca uppannassa saṃyojanassa pahānam hoti taṅca pajānāti, yathā ca pahīnassa saṃyojanassa āyatim anuppādo hoti taṅca pajānāti.

Jivhaṅca pajānāti, rase ca pajānāti, yaṅca tadubhayaṃ paṭicca uppajjati saṃyojanam taṅca pajānāti, yathā ca anuppannassa saṃyojanassa uppādo hoti taṅca pajānāti, yathā ca uppannassa saṃyojanassa pahānam hoti taṅca pajānāti, yathā ca pahīnassa saṃyojanassa āyatim anuppādo hoti taṅca pajānāti.

Kāyaṅca pajānāti, phoṭṭhabbe ca pajānāti, yaṅca tadubhayaṃ paṭicca uppajjati saṃyojanam taṅca pajānāti, yathā ca anuppannassa saṃyojanassa uppādo hoti taṅca pajānāti, yathā ca uppannassa saṃyojanassa pahānam hoti taṅca pajānāti, yathā ca pahīnassa saṃyojanassa āyatim anuppādo hoti taṅca pajānāti.

Manañca pajānāti, dhamme ca pajānāti, yañca tadubhayam paṭicca uppajjati saṃyojanam tañca pajānāti, yathā ca anuppanassa saṃyojanassa uppādo hoti tañca pajānāti, yathā ca uppanassa saṃyojanassa pahānam hoti tañca pajānāti, yathā ca pahīnassa saṃyojanassa āyatim anuppādo hoti tañca pajānāti.

Iti ajjhattam vā dhammesu dhammānupassī viharati, bahiddhā vā dhammesu dhammānupassī viharati, ajjhatabhiddhā vā dhammesu dhammānupassī viharati. Samudayadhammānupassī vā dhammesu viharati, vayadhammānupassī vā dhammesu viharati, samudayavayadhammānupassī vā dhammesu viharati. ‘Atthi dhammā’ti vā panassa sati paccupaṭṭhitā hoti yāvadeva ñāṇamattāya paṭissatimattāya, anissito ca viharati, na ca kiñci loke upādiyati. Evampi kho, bhikkhave, bhikkhu dhammesu dhammānupassī viharati chasu ajjhattikabāhiresu āyatanesu.

Mahāsatiṭṭhānasuttaṃ, Mahāvaggapāli, Dīghanikāyo

ajjhattikabāhiresu	ajjhattika + bāhira + esu (loc.)	inner + outer; internal + external
anuppanassa	an + uppana (pp.) + ssa (gen.)	not + arisen
chasu	cha + esu (loc.)	six
ñāṇamattāya	ñāṇa + mattāya	insight + measure
paccupaṭṭhitā	pp. of paccupaṭṭhahati	presented, present
pahīnassa	pp. of pajahati + assa (gen.)	eliminated, abandoned
paṭissatimattāya	paṭi + s + sati + mattāya	awareness + measure
samudayadhammānupassī	samudaya + dhamma + anupassī	arising + phenomena + observing
samudayavayadhammānupassī	samudaya + vāya + dhamma + anupassī	arising + passing + phenomena +
observing		
saṃyojana		bondage
tadubhayam	tad + ubhayam	both of them
uppanna	pp. of uppajjati	born, arisen
vayadhammānupassī	vāya + dhamma + anupassī	passing + phenomena + observing